



অবিলম্বে প্রকাশের উদ্দেশ্যে: 11/3/2023

গভর্নর ক্যাথি হোকল

গভর্নর হোকল ট্রান্সজেন্ডার সচেতনতা মাসের সম্মানে ট্রান্সজেন্ডার নিউ ইয়র্কবাসীদের সমর্থনে পদক্ষেপ ঘোষণা করলেন

লোরেনা বোর্জাস ট্রান্সজেন্ডার ও ননবাইনারি সুস্থতা ও সমতা তহবিল সম্প্রসারিত করার জন্য নতুন তহবিলের সুযোগ জারি

সাধারণ সেবা অফিস এবং কর্মী সম্পর্ক অফিস কর্মক্ষেত্রে ট্রান্সজেন্ডার স্টেট কর্মীদের অন্তর্ভুক্তি জোরদার করতে পদক্ষেপ গ্রহণ করবে

20 নভেম্বর ট্রান্সজেন্ডার স্মৃতি দিবসের সম্মানে স্টেটের ল্যান্ডমার্কসমূহকে আলোকিত করা হবে এবং ক্যাপিটলে ট্রান্সজেন্ডার পতাকা উত্তোলন করা হবে

গভর্নর হোকল নভেম্বরকে ট্রান্সজেন্ডার সচেতনতা মাস হিসেবে ঘোষণা করে ইন্স্টেহার জারি করলেন

গভর্নর ক্যাথি হোকল আজকে নিউ ইয়র্ক স্টেট এবং পুরো দেশের ট্রান্সজেন্ডার, জেন্ডার ননকনফর্মিং, এবং ননবাইনারি সম্প্রদায়সমূহকে উদযাপন করার জন্য নভেম্বরকে ট্রান্সজেন্ডার সচেতনতা মাস (Transgender Awareness Month) হিসেবে ঘোষণা করে ইন্স্টেহার জারি করেছেন। এছাড়াও গভর্নর ঘোষণা করেন যে 20 নভেম্বর, সোমবার, ট্রান্সজেন্ডার স্মৃতি দিবসের (Transgender Day of Remembrance) সম্মানে নিউ ইয়র্ক স্টেট ক্যাপিটলে ট্রান্সজেন্ডার পতাকা উত্তোলন করবে এবং ল্যান্ডমার্কসমূহকে গোলাপি, সাদা এবং হালকা নীল আলায়ে আলোকিত করা হবে। এছাড়াও গভর্নর পুরো নিউ ইয়র্কে ট্রান্সজেন্ডার ব্যক্তিদের সমর্থনে একাধিক স্টেট পদক্ষেপ ঘোষণা করেন।

"ট্রান্সজেন্ডার সচেতনতা মাস শুধু আমাদের স্টেটে ট্রান্সজেন্ডার, জেন্ডার ননকনফর্মিং, এবং ননবাইনারি (transgender, gender non-conforming, and non-binary, TGNCNB) সম্প্রদায়সমূহের অমূল্য অবদানকে উদযাপন করার মাস নয়, বরং এটি হলো ট্রান্সজেন্ডার মানুষের বিরুদ্ধে বৈষম্য ও সহিংসতা সৃষ্টিকারী ভুল ধারণার মোকাবেলা করারও সময়।" বলেছেন গভর্নর হোকল। "ট্রান্সজেন্ডার নিউ ইয়র্কবাসীদের সুরক্ষার জন্য সংস্থান ও সুরক্ষা জোরদার করতে আমার প্রশাসন নিবেদিত থাকছে যাতে আমাদের স্টেটের প্রত্যেক ব্যক্তি বৈষম্যমুক্ত হয়ে জীবনযাপন করতে পারে এবং তাদের নিজেদের সত্তার জন্য মূল্য পেতে পারে।"

ট্রান্সজেন্ডার, জেন্ডার ননকনফর্মিং, এবং ননবাইনারি সম্প্রদায়সমূহের জন্য তার প্রশাসনের পুরো সময়জুড়ে গভর্নর হোকল একজন একনিষ্ঠ সমর্থক হয়ে আছেন। প্রাইড মাস 2022 চলাকালে, গভর্নর লোরেনা বোর্জাস ট্রান্সজেন্ডার সুস্থতা এবং সমতা তহবিল (Lorena Borjas Transgender Wellness and Equity Fund) প্রতিষ্ঠা করে বিধিমালায় স্বাক্ষর করেন, ট্রান্সজেন্ডার, জেন্ডার ননকনফর্মিং, এবং ননবাইনারি সম্প্রদায়সমূহকে অতি গুরুত্বপূর্ণ সেবা প্রদানকারী সংগঠনসমূহের সমর্থনে স্টেট এজেন্সিগুলির জন্য 2 মিলিয়ন মার্কিন ডলার তহবিল বরাদ্দ করেন।

এর পূর্বে এই বছরেই, TGNCNB কমবয়সীদের জন্য আত্মহত্যা প্রতিরোধ কর্মসূচির সমর্থনে অতিরিক্ত 1 মিলিয়ন মার্কিন ডলার উপলভ্য করতে নিউ ইয়র্ক স্টেট মানসিক স্বাস্থ্য অফিসকে (New York State Office of Mental Health) নির্দেশ দিয়ে গভর্নর হোকল এই তহবিলকে সম্প্রসারিত করেন। এই উদ্যোগের একটি উল্লেখজনক বাস্তবায়ন মাইলফলকে স্পর্শ করতে গভর্নর হোকল আজকে ঘোষণা করেছেন যে মানসিক স্বাস্থ্য অফিস এখন নতুন এই তহবিলের জন্য [প্রস্তাবনার আবেদন](#) অনুরোধ করছে, যা TGNCNB হিসেবে পরিচয় দানকারী সুবিধাবঞ্চিত কমবয়সী এবং তরুণ প্রাপ্তবয়স্কদের জন্য সম্প্রদায়ভিত্তিক সমর্থক এবং প্রতিরোধমূলক সেবাকে সমর্থন করবে এবং লিঙ্গ পরিচয় নিয়ে অনিশ্চিত বা মেনে নিতে সমস্যা হওয়া ব্যক্তিরা এর অন্তর্ভুক্ত হবে।

LGBTQ তরুণদের জন্য আত্মহত্যা প্রতিরোধ এবং সঙ্কটে হস্তক্ষেপের উদ্দেশ্যসম্পন্ন একটি অলাভজনক সংগঠন, [ট্রেভর প্রোজেক্টের \(Trevor Project\)](#) প্রকাশিত 2022 সালের একটি প্রতিবেদন অনুযায়ী প্রায় প্রতি পাঁচজন ট্রান্সজেন্ডার এবং ননবাইনারি কমবয়সীদের মধ্যে একজন আত্মহত্যার চেষ্টা করেছে। ট্রান্সজেন্ডার এবং ননবাইনারি কমবয়সীদের মধ্যে প্রায় তিন চতুর্থাংশ উদ্বেগের লক্ষণ অনুভব করার কথা বলেছে, এবং প্রায় দুই তৃতীয়াংশ বিষণ্ণতার লক্ষণ অনুভব করার কথা বলেছে, 13 থেকে 24 বছরের আনুমানিক 34,000 লেসবিয়ান, গে, বাইসেকসুয়াল, ট্রান্সজেন্ডার, কুইয়ার (Lesbian, Gay, Bisexual and Transgender, Queer, LGBTQ) কমবয়সীদের জরিপ করার পর প্রতিবেদনটি পাওয়া গেছে।

অর্থায়নের নতুন সুযোগ লোরেনা বোর্জাস ট্রান্সজেন্ডার এবং ননবাইনারি সুস্থতা ও সমতা তহবিলের অনুবর্তী এবং এর দ্বারা 2024 অর্থবছরের জন্য এই উদ্যোগের জন্য স্টেট এজেন্সি অর্থায়নের জন্য মোট বিনিয়োগ হলো 3 মিলিয়ন মার্কিন ডলার। পাশাপাশি, গভর্নর হোকল ঘোষণা করেন যে স্বাস্থ্য বিভাগ (Department of Health) এই মাসের শেষের দিকে এই উদ্যোগের সাথে সম্পর্কিত একটি অর্থায়নের সুযোগ ঘোষণা করবে, যেখানে TGNCNB সম্প্রদায়সমূহকে সেবাদানের জন্য TGNCNB নেতৃত্বের এবং কর্মী নিয়ে গঠিত সংগঠনকে অগ্রাধিকার প্রদান করা হবে এবং এই সম্প্রদায়ের জন্য অতি গুরুত্বপূর্ণ সেবার সমর্থন করার জন্য কয়েক মিলিয়ন মার্কিন ডলার স্টেট তহবিল উপলভ্য করা হবে।

পাশাপাশি, TGNCNB কর্মচারীদের জন্য নিউ ইয়র্ক স্টেটকে একটি আদর্শ চাকরিদাতা হিসেবে আরো পাকাপোক্ত করতে গভর্নর হোকল পদক্ষেপ গ্রহণ করেছেন। কর্মী সম্পর্ক অফিস (Office of Employee Relations, OER) নির্বাহী এজেন্সিগুলিকে ইমেইলের জন্য একটি সর্বনাম প্রকাশ

করছে, যেখানে সর্বনামের গুরুত্ব এবং তা ব্যবহারের সেবা অনুশীলনের রূপরেখা প্রদান করা হবে।

গাইডটি স্টেটের কর্মচারীদেরকে তাদের ইমেইল সিগনেচারে তাদের সর্বনাম যোগ করতে সাহায্য করবে, এবং একই সাথে কর্মচারীদেরকে OER এর লিঙ্গ পরিচিতি টুলকিট (Gender Identity Toolkit) প্রদান করবে, যেখানে কর্মক্ষেত্রে TGNCNB কর্মচারীদের সমর্থন করার সেবা অনুশীলনের সারসংক্ষেপ প্রদান করবে। এছাড়াও সাধারণ সেবা অফিস (Office of General Services, OGS) নির্দেশনা প্রকাশ করছে, যা স্টেট মালিকানাধীন বা পরিচালিত ফ্যাসিলিটিসমূহকে একেবারে একজনের ব্যবহার করার মতো, লিঙ্গ নিরপেক্ষ বাথরুমের জন্য একটি নতুন সাধারণ সাইন ব্যবহার করার জন্য এজেন্সিগুলিকে নির্দেশ প্রদান করে।

বাইনারি লিঙ্গের পরিবর্তে সংশোধিত সাইনেজের মূলভাব হবে কার্যকারিতা এবং অ্যাক্সেসিবিলিটি, যা স্টেট এজেন্সিসমূহে বাথরুমকে আরো অন্তর্ভুক্তিকর এবং নিশ্চিতকারী করবে। বৈচিত্র্যময় লিঙ্গ পরিচিতিসহ সকল নিউ ইয়র্কবাসীর জন্য অন্তর্ভুক্তির জন্য স্টেটের চলমান প্রয়াসের ক্ষেত্রে এই পদক্ষেপসমূহ একটি গুরুত্বপূর্ণ অগ্রগামী ধাপের প্রতিনিধিত্ব করবে।

**নিউ ইয়র্ক স্টেটের প্রধান ডাইভার্সিটি কর্মকর্তা জুলিসা গুটিয়েরেজ বলেন,** "আমরা ট্রান্সজেন্ডার সচেতনতা মাসকে সম্মান জানাচ্ছি ও উদযাপন করছি, তাই আমাদের ট্রান্সজেন্ডার, জেন্ডার ননকনফর্মিং, এবং ননবাইনারি সম্প্রদায়সমূহের অধিকার ও স্বীকৃতি বলীয়ান করার জন্য গভর্নর হোকলের অবিচল প্রতিশ্রুতির জন্য আমি কৃতজ্ঞ। ট্রান্সজেন্ডার নিউ ইয়র্কবাসীর জন্য নিউ ইয়র্ক স্টেটকে আরো সমতার, নিশ্চিতকারী, এবং অন্তর্ভুক্তিকর কর্মক্ষেত্র বানানো এবং সকলের জন্য আদর্শ চাকরিদাতা করা অব্যাহত রাখার জন্য অগ্রগতি করতে তার নেতৃত্ব অপরিহার্য ছিলো।"

ট্রান্সজেন্ডার স্মৃতি দিবসের সম্মানে 20 নভেম্বর নিউ ইয়র্ক স্টেট ক্যাপিটলে ট্রান্সজেন্ডার পতাকা উত্তোলন করা হবে এবং 16টি ল্যান্ডমার্ককে গোলাপি, সাদা এবং হালকা নীল আলোয় আলোকিত করা হবে:

- ওয়ান ওয়ার্ল্ড ট্রেড সেন্টার (One World Trade Center, 1WTC)
- গভর্নর মারিও এম. কুওমো ব্রিজ (Mario M. Cuomo Bridge)
- কস্কুইজকো ব্রিজ (Kosciuszko Bridge)
- এইচ. কার্ল ম্যাককল সানি বিল্ডিং
- রাষ্ট্রীয় শিক্ষা ভবন
- আলফ্রেড ই. স্মিথ স্টেট অফিস বিল্ডিং (Alfred E. Smith State Office Building)
- এম্পায়ার স্টেট প্লাজা
- স্টেট ফেয়ারগ্রাউন্ডস - প্রধান গেট ও এক্সপো সেন্টার (State Fairgrounds - Main Gate & Expo Center)
- নায়াগ্রা জলপ্রপাত (Niagara Falls)
- "ফ্রাঙ্কলিন ডেলানো রুজভেল্ট" মধ্য-হাডসন ব্রিজ ("Franklin D. Roosevelt" Mid-Hudson Bridge)

- অ্যালবানি আন্তর্জাতিক বিমানবন্দর গেটওয়ে (Albany International Airport Gateway)
- Lake Placid Olympic Center
- MTA LIRR - ইস্ট এন্ড গেটওয়ে যা পেন স্টেশনে আছে
- ইরি ক্যানেলের উপর অবস্থিত ফেয়ারপোর্ট লিফ্ট ব্রিজ (Fairport Lift Bridge)
- ময়নিহান ট্রেন হল
- হাডসন স্টেট হিস্টোরিক পার্কের উপরস্থ ওয়াকওয়ে

###

আরো সংবাদ এখানে পাওয়া যাবে এখানে [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)